

ქ. თბილისის მუნიციპალიტეტის საკრებულოს
სახელდებისა და სიმბოლიკის კომისიის სხდომის
ოქმი № 31

27 ივნისი , 2019 წელი
12 :00 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის წევრი მარიკა დარჩია

სხდომას ესწრებოდნენ კომისიის წევრები:

თარაშ შურღია

ანა ლაშხი

გულია გოცირიძე

სხდომა გახსნა მარიკა დარჩიამ. მან დაადასტურა კვორუმი და კენჭისყრაზე დააყენა

დღის წესრიგი

დღის წესრიგი:

1. ქალაქ თბილისში, საბურთალოს რაიონში, დემეტრე თავდადებულის ქუჩასთან მდებარე უსახელო ქუჩისთვის ჭადრაკის დამსახურებული მწვრთნელის ვახტანგ ქარსელაძის სახელის მინიჭების შესახებ
2. ქალაქ თბილისში, ნაძალადევის რაიონში, ავშნის ქუჩასთან მდებარე უსახელო ქუჩისთვის აფხაზეთის ომში დაღუპული მეზრძოლის მალხაზ ჯღარკავას სახელის მინიჭების შესახებ
3. ქალაქ თბილისში, გლდანის რაიონში, ავჭალის ქუჩასთან მდებარე უსახელო ქუჩისთვის და მასთან არსებული ორი შესახვევისთვის გეოლოგის არსენ ოქროჯანაშვილის სახელის მინიჭების შესახებ
4. ქალაქ თბილისში, ჩუღურეთის რაიონში, ლამის ქუჩის მონაკვეთისათვის, ლამის I შესახვევისთვის და ლამის III შესახვევისთვის ლამის სახელის მინიჭების შესახებ
5. ქალაქ თბილისში, სამგორის რაიონში, ბესარიონ ქებურას დასახლებაში V ქუჩის მონაკვეთისთვის აფხაზეთის ომში დაღუპული მეზრძოლის გელა მინდიკაურის სახელის მინიჭების შესახებ
6. ქალაქ თბილისში, ვაკის რაიონში, დაბა წყნეთში, დიმიტრი ამილახვარის ქუჩასთან მდებარე უსახელო ქუჩისთვის აფხაზეთის ომში დაღუპული მეზრძოლის ნოდარ (ვეფხო) მათიაშვილის სახელის მინიჭების შესახებ
7. ქალაქ თბილისში, ვაკის რაიონში, დაბა წყნეთში, დიმიტრი ამილახვარის ქუჩასთან მდებარე უსახელო ქუჩისთვის აფხაზეთის ომში დაღუპული მეზრძოლის ოთარ ოძელაშვილის სახელის მინიჭების შესახებ
8. ქალაქ თბილისში, საბურთალოს რაიონში, ტარიელ გვიმრაძის ქუჩის გაგრძელების შესახებ
9. ქალაქ თბილისში, საბურთალოს რაიონში, ლისის ტბის მიმდებარე ტერიტორიასთან მდებარე უსახელო ქუჩებისთვის სახელის მინიჭების შესახებ (გრძელდება ლისის ქუჩა, ბზის, ნეკერჩხლის და ლისის იასამნების)
10. ქალაქ თბილისში, ისნის რაიონში, თეოფანე დავითაიას ქუჩასთან მდებარე მოედნისთვის, მასთან არსებული უსახელო ქუჩისთვის და ზურაბ პატარიძის ქუჩისთვის მარშალ იოზეფ პილსუდსკის სახელის მინიჭების შესახებ

11. ქალაქ თბილისში, ისნის რაიონში, მარშალ იოზეფ პილსუდსკის ქუჩასთან მდებარე უსახელო ქუჩისთვის ზურაბ პატარიძის სახელის მინიჭების შესახებ

მარიკა დარჩიამ კომისიის სხდომაზე დღის წესრიგით წარმოდგენილ საკითხებთან დაკავშირებით ისაუბრა. როგორც მან აღნიშნა, კომისია ბოლო პერიოდში აქტიურად მსჯელობს ე.წ. დიდი დიდმის საუნივერსიტეტო დასახლებაში არსებული ქუჩების სახელდებაზე. ხსენებულ ტერიტორიაზე მდებარე ერთ-ერთ ქუჩას გვსურს ვუწოდოთ ჭადრაკის დამსახურებული მწვრთნელის ვახტანგ ქარსელაძის სახელი.

სხდომის თავმჯდომარის ინფორმაციით, კომისიას განცხადებით მომართა მარგო კირთაძემ, მან ერთ-ერთი ქუჩისთვის აფხაზეთის ომში დაღუპული მეზრძოლის მალხაზ ჯღარკავას სახელის მინიჭება ითხოვა. კომისიის სხდომაზე მსჯელობის შემდეგ გადაწყდა, რომ მალხაზ ჯღარკავას სახელი მიენიჭება ნამალაღვეის რაიონში, ავშნის ქუჩასთან მდებარე უსახელო ქუჩას.

მოქალაქის მომართვის საფუძველზე კომისიამ დაამუშავა გლდანის რაიონში ზაჰესის დასახლების მიმდებარედ არსებული უსახელო ქუჩის სახელდების საკითხი. სახელის შერჩევის პროცესში გათვალისწინებული იქნა საქართველოს პრეზიდენტის ადმინისტრაციიდან შემოსული საინგილოში, (კახში) მცხოვრები ეთნიკური ქართველების განცხადება, რომლითაც გვთხოვენ გეოლოგის, სპელეოლოგის არსენ ოქროჯანაშვილის სახელის მინიჭებას. 1961 წლის ივნისში არსენ ოქროჯანაშვილმა მონაწილეობა მიიღო მანამდე უცნობი უფსკრულის, დღეს ცნობილი ახალი ათონის მღვიმის შესწავლაში.

როგორც ქუჩებისთვის მსახიობების სახელების მინიჭებისას აღვნიშნეთ, ლამის ქუჩის გარკვეული მონაკვეთები საჭიროებს სახელწოდებების ცვლილებას. ასევე აღვნიშნეთ, რომ ერთ-ერთი მონაკვეთი შენარჩუნებული იქნება ლამის ქუჩის სახელწოდებით. ხსენებულ მონაკვეთთან მდებარეობს ლამის პირველი და ლამის მესამე შესახვევი, რომლებიც ასევე ძირითადი ქუჩის გაგრძელებაა.

სამგორის რაიონში ბესარიონ ქებურიას დასახლებაში არსებული მეხუთე ქუჩა მოიცავს მონაკვეთებს, რომლებიც მიზანშეწონილია ჩამოყალიბდეს ორ დამოუკიდებელ ქუჩად. ერთ-ერთ ქუჩას კომისიის ინიციატივით რევაზ ბეზიას სახელი მიენიჭება, ხოლო მეორე ასევე დამოუკიდებელ ქუჩას გვსურს გელა მინდიკაურის სახელი მივანიჭოთ.

სახელდებისა და სიმბოლიკის კომისიას განცხადებით მომართეს ოთარ ოძელაშვილის და ნოდარ (ვეფხო) მათიაშვილის ოჯახის წევრებმა და ითხოვეს წყნეთში უსახელო ქუჩებისთვის მათი სახელების მინიჭება. საკითხის შესწავლის დროს დადგინდა, რომ ოთარ ოძელაშვილი და ნოდარ (ვეფხო) მათიაშვილი ცხოვრობდნენ წყნეთში და დაიღუპნენ აფხაზეთის საომარი მოქმედებების დროს. როგორც მარიკა დარჩიამ აღნიშნა, მიზანშეწონილია წყნეთში უსახელო ქუჩებისთვის მათი სახელების მინიჭება.

სახელდებისა და სიმბოლიკის კომისიაში იუსტიციის სამინისტროს სსიპ „საჯარო რეესტრის ეროვნული სააგენტოს“ სამისამართო სამსახურიდან შემოვიდა მოქ. გივი გვიმრაძის განცხადება, რომელიც ითხოვს ქუჩის სახელდებას დიღმის სასწავლო-საცდელი მეურნეობის დასახლებაში. საკითხის შესწავლის პროცესში დადგინდა, რომ საკადასტრო ერთეული (01.72.14.009.202) მდებარეობს სახელდებული ტარიელ გვიმრაძის ქუჩის გაგრძელებაზე და მიზანშეწონილია ხსენებული ქუჩის გაგრძელება.

სახელდებისა და სიმბოლიკის კომისიას გეოგრაფიული ობიექტების სახელდების თხოვნით მომართა სამშენებლო კომპანია „ლისი ფო“-მ. საკითხის შესწავლის შემდგომ დადგინდა, რომ გზისთვის გათვალისწინებული მონაკვეთები დატვირთულია საზოგადოებრივი სერვიტუტით. ასევე გამოიკვეთა, რომ მიმდებარე ქუჩები ატარებს ხემცენარეების სახელებს. არსებულის გათვალისწინებით, სამშენებლო კომპანიასთან კონსულტაციების შემდეგ მიზანშეწონილია არსებული ქუჩებისთვის: ბზის, ნეკერჩხლის, ლისის იასამნების სახელების მინიჭება. ამავე დროს გასათვალისწინებელია, რომ მთავარი გზა, რომელიც ლისის სახელს ატარებს, განაშენიანების შემდგომ იცვლის კონფიგურაციას, ქუჩის ძირითადი მონაკვეთი გრძელდება, ხოლო მის ერთ მონაკვეთს მიზანშეწონილია მიენიჭოს ბზის ქუჩის სახელი.

როგორც ცნობილია, თბილისის საკრებულომ 2016 წლის 22 მარტის #84 განკარგულებით ისნის რაიონში განახორციელა მარშალ იოზეფ პილსუდსკის გამზირის სახელდება, რომელიც პოლონეთის პრეზიდენტის ანჟეი დუდას და პოლონეთის სახელმწიფოს სხვა მაღალი თანამდებობის პირების ვიზიტის ფარგლებში გაიხსნა.

ვიზიტის ფარგლებში გაჟღერდა, რომ მოხდებოდა გეოგრაფიული ობიექტის გაგრძელება. საქართველოში პოლონეთის რესპუბლიკის საელჩოსთან კონსულტაციების შემდგომ გვსურს ისნის რაიონში, თეოფანე დავითაიას ქუჩასთან მდებარე მოედანს, მასთან არსებულ უსახელო ქუჩას და ზურაბ პატარიძის ქუჩას მივანიჭოთ მარშალ იოზეფ პილსუდსკის სახელი.

ვინაიდან მარშალ პილსუდსკის გამზირსა და იმ უსახელო ქუჩასა და მოედანს შორის, რომლებსაც მარშალის სახელი ერქმევა მდებარეობს ზურაბ პატარიძის ქუჩა, მიზანშეწონილია მისთვის ასევე იოზეფ პილსუდსკის სახელის მინიჭება და მიმდებარედ არსებული უსახელო ქუჩისთვის ზურაბ პატარიძის სახელის დარქმევა.

კომისიის წევრებმა დღის წესრიგით წარმოდგენილი საკითხები მოისმინეს, იმსჯელეს და მხარი დაუჭირეს ხსენებული საკითხების საკრებულოს წინაშე ინიციატივებად დარეგისტრირებას.

მარიკა დარჩიამ სხდომა დახურულად გამოაცხადა.

სახელდებისა და სიმბოლიკის
კომისიის წევრი





მარიკა დარჩია



სახელდებისა და სიმბოლიკის კომისიის

სხდომა

27 ივნისი, 2019 წელი

N	სახელი, გვარი	ხელმოწერა
1.	მარიკა დარჩია	
2.	გიორგი ბირბიჩაძე	
3.	ანა ლაშვი	
4.	გულია გოცირიძე	
5.	თარაშ შურღია	

სახელდებისა და სიმბოლიკის
კომისიის წევრი



მარიკა დარჩია